



"I počinioci i žrtve vršnjačkog nasilja i maloljetničkog prijestupništva su naša djeca-spriječimo vršnjačko nasilje i maloljetničko prijestupništvo"

XII Javna debata

Centar za kulturu dijaloga organizira u petak, 8.1.2016.godine javnu debatu povodom sve većeg porasta vršnjačkog nasilja i sve brutalnijih napada djece prema djeci. Javna debata će biti održana u UNITIC centru (prvi sprat) velika sala. Vrijeme: 10.00-12.00.

Mahir je dijete svih nas. Denis je naše dijete. Denisa su ubili u tramvaju, a Mahira su ubijali u školi. Mnogo je mahira i denisa koji šute i boje se progovoriti o onome što im se dešava u školi i oko škole. Čini se da smo svi pomalo postali nijemi svjedoci sve većeg nasilja među mladim ljudima i djecom. Surovosti koju podupire svojom nebrigom društvena zajednica.

CKD se još od 2008. godine bavi pitanjem maloljetničkog nasilja u BiH. Nakon organiziranih 11 javnih debata u kojima su učestvovali predstavnici relevantnih državnih institucija čini se da nema gotovo nikakvog pomaka: Zakon o zaštiti i postupanju sa djecom i maloljetnicima u krivičnom postupku postoji u Brčko distriktu i RS, a u FBiH je donesen tek prethodne godine nakon čega se traži ponovna revizija tog zakona. Uvjeti boravka institucionaliziranih maloljetnika u sukobu sa zakonom nisu usklađeni sa međunarodnim standardima. Postoje brojne zakonske nedorečenosti o statusu centara i zatvora kao i o njihovom financiranju. Netransparentna dodjela finansijskih sredstava za realizaciju projekata iz oblasti prevencije vršnjačkog nasilja i maloljetničkog prijestupništva. Nije uposlen dovoljan broj socijalnih radnika, psihologa i pedagoga u školama. Sve je već broj prekršaja, krivičnih djela i brutalnog nasilja koje čine djeca, a prema podacima iz MUP-a krivična djela su sve ozbiljnija i izvršena na sve suroviji način. Broj tuča u školama nije smanjen, nisu povećane aktivnosti za granične slučajeve u školama nema vannastavnih aktivnosti nenasilne komunikacije. Neophodno je raditi istovremeno na zagovaranju za rješavanje problema kroz suradnju sa relevantnim državnim organima za donošenje i implementaciju adekvatnih zakona, a sa druge strane raditi na ranoj prevenciji u školama. Mediji, osim u crnim hronikama, ni na koji način ne educiraju javnost za prepoznavanje prvih simptoma nasilničkog ponašanja. Stoga, imajući u vidu sve navedeno, vjerujemo da ćete se odazvati pozivu da učestvujete u ovoj debati i vašim znanjem, iskustvom u društvenom angažmanu i jakom voljom građanskog aktiviste doprinijeti zajedničkom nastojanju da pošaljemo poruku javnosti i relevantnim institucijama kojom bismo pozvali na odgovornost sve aktere društvene zajednice.

Tok debate:

- Uvodna riječ moderatora
- Uvodna izlaganja (ne duže od 7-10 minuta) (Porodično savjetovalište, Centar za socijalni rad KS, Disciplinski centar, Ministarstvo unutrašnjih poslova KS, Ministarstvo za rad, socijalnu politiku raseljena lica i izbjeglice KS)
- Diskusija
- Kreiranje zaključaka i saopćenja za javnost i medije

"Možda ja griješim, možda ste vi upravu, ali samo zajedničkim nastojanjima možemo dosegnuti istinu."

Molimo vas da na e-mail adresu: sanja.vlaisavljevic@ckdbih.com potvrdite vaše učešće u debati. Sve bitne informacije o debati možete dobiti na broj telefona: 061 269 587.